

## **La Bonita's Pride**

### **"Di Na Ko Pa-ilad"**

Visit "[Di Na Ko Pa-ilad](#)" on [MotoLyrics.com](http://MotoLyrics.com)

Ang gugma nako diha kanimo nipilit  
Pero usa man sad ka dosena ang imong kabet  
Sa kadiyot na panahon gibati ka og kalaay  
Sa imong pagbuwag kay mura ko og mamatay

Munang mag sige na lang ko'g tungab sa tanduay  
Boang ka kanus-a pa kaha ka mamatay  
Dako akong pagmahay nga gipili pa tika  
Abi nako og magkadayon na kitang duha

Sa pagpanguyab kanako igo ra kang napugos  
Ang bugtong nimong tuyo ka yang bangag sakong  
ubos  
Human nimo napahimusli imo kung gibuwagan  
Imo dayong gilabay human nimo natilawan

Nituo ko nimo sa tanan nimong gipanaad  
Mao kana'y rason og nganong imo kung nailad  
Munang ang luha ko karon diri kay nagtagak  
Kay ako-ang gituhu-an ang imong mga bakak

\*Ang akong gugma imong gisayangan  
Ngano ba nga imo ra man kung gibinoangan  
Imong gipakyas ang imong panaad  
Diha nimo kay dili na gyud ko magpailad

Gisaad mo kanako nga itugyan mo ang kalibutan  
Pero nahi-agom ako sa tumang kapakyasan  
Wala na mahibaw-i kung asa ka og hain  
Basta siguro ko nga nikuyog na ka sa lain

Sa tanan nimong gusto kay ako kang gihatagan  
Pero karon ako pa ang imong gibinuangan  
Niginhawa ko'g lalom og dayon nihangad  
Kay ang akong kasing-kasing kay nay samad

Ang imong dagway kamaayong labayon og kaldero  
Uwagan kang dako, usa ka kapalakero  
Sa gibuhat mo kanako wala ba ka na-uwaw  
Ang gi-ilis mo kanako kay mura og bulinaw

Ang nahitabo, wa nalang nako gikaguol  
Kay diha sad kanimo gibati ko og kapuol  
Basin magmahay ra unya ka sa imong gihimo  
Dili na ka makakita og sama pa kanako

[Repeat \*]

Kining gugma ko kanimo ako nalang ghipos  
Para maundang na ang tanan nako nga pag-antos  
Bisan naa kay lain di tika kayang buhi-an  
Apan nahigmata na ko sa kamatuoran

Sa tinuod lang nasakitan ko's imong gihimo  
Dili mabayran sa luha ang gibuhat mo kanako  
Gi-usikan mo lang ang tinuod nakong pagmahal  
Ang bag-o mong uyab kay mura og butakal

Karon nibalik ka pero din a taka dawaton  
Di na ko gusting mahinumdom satong kagahapon  
I'll never forgive you bisan ikaw kay moluhod  
Diha sa imuhang dagway gibati ko'g kaluod

Ang gaba di magsaba daghan ang nag-ingon  
Naka-uyab kag usa ka babay nga sira-on  
Busa, karon nakatilaw na ka og gaba  
Sa imuhang kauwagan ang imo nag-nana

[Repeat \*]

Visit [La Bonita's Pride](#) page on MotoLyrics.com, to get more lyrics and videos.